

OMUKWETU

Suomen Lähetysseuran Kirjasto.

Registered at the General Post Office as a Newspaper

15c

Dr Smedjebacka muwilikitumi



Omuwilikitumi omupe, omusamane Henrik Smedjebacka, okwa yapulilwa moshilonga she shuwilikitumi wEhanganotumo lyaSoomi meti 13 lya Septemba 1981.

Oshituthi sheyapulo osha ningilwa mongeleka yaJohannes. Omuyapuli okwa li omumbisofi John Vikström pamwe naakwa-thi ye yahamano mbōka mokati kawo-mwa li omusita Amon

KOTIBA 15, 1981

Tala kep. 2

Hance Mwakabana, Omutanzania Meuvitho lye omuwilikitumi dr. Smedjebacka okwa tumbula kutya oshilonga shetumo osho oshilonga shaKalunga, shoka itaashi kala momafaneko gaantu; nenge maawiliki. Kalunga okwe ku hogolola nenge oye ta hogolola ndje (God choses you or me, ordinary men - not angels!). Shika osho a koneke sho a longo oshilongatumo muTanzania, mokukala miigongi yi ili noyi ili nenge miilonga yopambeleva.

Konima yoshituthiyapulo mongeleka, oshituthi osha ka tsikila pehala lilwe mongulu yegongalo. Aantu oye-

ndji oya gongalele mo nokukunda ngaaka omuwilikitumi omupe. Mokati kawo mwa kala aambisofi yane, Vikström, Simojoki, Nikolainen naTupainen nosho tuu aawilikitumi aakulu yaali Hukka naVuorela. Aawilikitumi oyendji yomatumo galwe omo ya li.

Aayenda yoshituthi momakundo gawo oya tumbula, kutya mukulonga kwe omuwilikitumi omupe dr. Smedjebacka okwa mono eputudho ewanawa lyopawino moshilonga shika e vule aawiliki ye mu tetekele musho. Okwa mono eithano lyoshilonga shika mepapudhuko, onkene ombepo ya tya ngaaka nayi landule oshilonga she. Omuwilikitumi na pewe ethimbo lyaa na omakudhilo, oshoka oku na okudhiladhila oshilonga nkene shi shi okuhumithwa komeho nokukonga wo oondjila nomikalo omipe ndhoka tadhi opalele etumo. (to draw the lines).

Okwa tumbulilwa omahaleloyambeko ogendji omolwoshilonga shika sha simana - nevaangeli lyoshilongo shaKalunga nali taandele mbala muuyuni auhe nomethimbo wo ndika lyeyakulo lye.

Ehokololo lyoshituthi otwe li tuminwa ku feelani Maija-Liisa Kaljunen ngoka ta fudha po muSoomi. Okwa tumbula kutya oku li nawa nokwa tumine aaleshi ayehe omakundo nomahaleloyambeko taga zi kOmuwa. "Omuwa na kale nane nokukandule po iiponga yi ayihe," osho M-L Kaljunen a hulitha.

Oshoongalele shovanyasha va ELOK

Oshoongalele shokomudo shovanyasha va ELOK osha li mongwediva okudja 1-4/10/1981.

Nonande vamwe va li pondje omolwosaala ya li iyadi, aveshe ova li tava tyapula shi fike pamwe, shaashi nopondje kombinga nombinga yosaala okwa li omamhako avalil manene.

Oupyu womutenya wokwenye moshoongalele shinya kau shivike mo, osheshi omafiku aeshe oshoongalele osha kala shi li momudile woshilemo shoukorasa. Ovanyasha ova li va dja momaongalo aeshe a ELOK moWambo nomOushimba. VokOkawe navo okwa li va findikila "Feleni ko Evaangeli". Neudo oshikando oshikando oshitivali eshi epanela eli lovanyasha la ya novalange. Ova li va etelela okanduba ke dule omayovi avalli. Walye moudwaali kutya otali ka kundwa meongalo lilipipo.

Tala kep. 4



Etestamendi Ekulu otali popi pomahala ogendji kutya Messias, oye Omuna gwaDavid. Ano Aajuda oya li yi igilile okutumbula nokulesha oshinima shika, pwaa na eipulo lyasha kutya otashi ti naanaa shike. Ishewe, inaa tegameka nande nokuyeleka edhiladhilo ndika naashoka Etestamendi Ekulu tali shi popi wo pomahala galwe kombinga yuukwatya niilonga yaMessias. Oya kala ya tegelela Messias te ya, ndele elalakano lyolyenelyene lyokuya kwe olya li lya kanene moshikonga momadhiladhilo gawo.

Messias, kuyo, kali we Omuna gwaKalunga nomukwaniilwa gwegulu nevi, ndee oya tala ashike kutya ota ka kala wala omupangeli gwokombanda yevi nOmukwaniilwa omunene

ngoka te ke ya mangelula mo muupika wAarooma, e ta ka dhikila Aajuda ayehe oshilongo oshipe noshinankondo ngaashi shiyaka shomukwaniilwa David.

Epulo lyOmuwa Jesus, olya li nelalakano lyoku ya dhiladhilitha muule oshinima shika muuyelele wEtestamendi Ekulu alihe; kutya Kristus oye lye nOmuna gwalye? Oshoka ngele nani Kristus, Omuna gwaDavid, ongii ni ano David ye mwene sho te mu ithana Omuwa gwe, pa Ps. 110: 1, note mu simane-

ke? Ope na tuu he yomunona ta vulu okwiithana omwana "Omuwa gwe? Aafarisayi oya nyengwa okuyamukula epulo ndika. Ngoye oto vulu tuu oku li yamukula?

Tala kep. 4

Dha za kep. 3

Mepulo ndika omo mu na ehuku lyeitaalo lyopakriste. Ngele Jesus Kristus, oye Omuna ashike gwaDavid, kokutya omuna ashike gwomuntu nomuntu gwowala, ngaashi aantu aakwawo, nena ando uuwanawa washa kehe mboka kwa li ta vulu oku u longela aakuuyuni, ando owopantu nowopakathimbo ashike. Uuwanawa mboka ando owa fa ashike womukwiita ta kondjele emanguluko lyoshilongo she naantu ye, uuwanawa we wa fa womupangeli omunandunge teu ningile aantu ye ethimbo ndyoka e li po nongaamboka omulongi teu ningile aalongwa ye.

Ano nepulo ndika Omuwa Jesus okwa hala okulombwela aantu ayehe kutya: Inashi gwana okwiithana nokutala Messias Omuna ashike gwaDavid. Inashi gwana wo oku mu tala ashike omuna gwokombanda gwomezimo lyaDavid nondjayi yomatanga gaakwiita yokevi. Pitilileni po mpoka mokudhildhila kweni Kristus. Oshoka Kristus oye omuna gwaDavid, inali mu gwanena, ihe ndyokalye mu gwanena nolye mu yeleka olyo KRISTUS OMUNA GWA-KALUNGA. Onkee inamu tala wala ondjayi yiita yopavi ngoka taka endulula omasindano gaDavid gopaukwiita, ihe mu taleni Omuna gwaKalunga ngoka taka holola puyelele Ohole yaKalunga komushigakano, omo lwelago nehupitho lyaakuuyuni ayehe.

Sigo onena epulo ndika opo li li, oli na oshilonga oshinene nolya pumbwa okuyamukulwa komuntu kehe: JESUS OHO MU DHILADHILA NGIINI NOYE OMUNA GWALYE?

Uuna ndoka ashike tse tu na eyamukulo lyu uka kepulo ndika-twi itaala shili kutya Jesus Kristus oye Omuna gwaKalunga nomuna wo gomuntu oshita, opo apehe mpoka tu shi shi shili kutya otu na Omukulili, ngoka te tu dhimine po oondjo dhetu dhopamwenyo nodhopalutu, ndongo te tu thikitha kegumbo lyaaluhe lyomeadhimo. Amen.

M.I.AMADHILA

Da dja kep. 2

Omapyatumo ngaashi Onyulaye, Onankali nUutsathima nao okwa lie ya tu hangane pamwe mOmwe. Oyiimati yevaangeli momapyatumo aa otai monika. Moshilongo shetu omu na ovanyasha vahapu vhe na oilonga, ashike kwinya oilonga ito mane, shimha tuu u shii okulesha nowu udite kutya ou na ehalo lokuyakula momapyatumo. Moshinima eshi omaindilo ohaa yukifwa kombelewa yOshitayingeleka. KuKongo nako okwa li kwa dja omukalelipo woshilongatumo. Ota hokolola kutya oshilonga oko ngaho shi li, ashike eyokomesho neholoko loutana vahamukwaya keetundi, oshinimasha nghundipala. Ovanafikola vokEluwa-eembolo novapofi navo ova li ve ya okuhokolola osho va ningilwa kuJesus Kristus. Ovapofi ova li va imba omaimbilo taa ti shoo, omanga eembolo da li de tu kufa koshipundi eshi va li tava danauka oinyandwa ivali yopaMbibeli. Eshi ashisho osha li alongo koshoo ngalele kombinga yoi!onga nghono yaKalunga. **Tala kep. 5**

uukwanezimo mowambo

Aaleshi omapenda yoshifo shika shomukwetu, ihaa lesa owala e taa mwena, ihe ohaa simaneke wo omadhiladhilo gaaleshi ooyakwawo. Oshoka uuna pwapulwa sha moshifo, ohaa holola omadhiladhilo gawo nemanguluko. Nangoye ou na ompito yoku shi ninqa.

Mboka haa si uunye omadhiladhilo gawo yene, yamwe yomuyo oyo wo yi itaala kutya omuluudhe ita vulu okuninga sha kuye mwe-ne. Shika hasho, Omushiti okwe tu pa omagano gokudhiladhila. Natu taleni ano nkene gumwe gwomaaleshi ta longitha omagano ge ngaashi tashi landula sho ta yamukula epulo: Ano omulandu quukwazimo oguni tagu landulwa mowambo?

Nandi pitikwe tango ndi simaneke omadhiladhilo gomupuli gwomapulo ga holokele momukwetu No.9.1981. Otandi simaneke unene omadhiladhilo gokuyelutha po oshigwana shetu pamwe nomikalo dhasho. Shika oshili kutya oshigwana shoka sha kanitha noshaethapo omithigululwakalo dhasho osha ekelahi uukwashigwana auhe.

Epulo ndika lyuukwazimo olya ningi edhigu ngashingeyi. Shika oshe etwa unene kethimbo tu li mulyo. Tse otwe ya pethimbo lyomalunduluko omanene. Mokukoka itatu tonatele ashike omikalo ndhoka dhopashigwana ihe otatu mono wo dhaakwiilongo mboka ye li mokati ketu. Oshigwana kehe oshi na oongamba dhuukwazimo. Natu tale uukwazimo ukulu woshiwambo.

1. Omukulukadhi megumbo ke na mo sha, kakele kiilya mbyoka ya zi pokatopolwa kepya okashona e ka pewa. Oye owala omulongeli gwomulumentu. Ke na uuthiga meliko lyegumbo. Omolwasho sha li shu uka ngele ootatekulu taa hokana aakulukadhi oyendji. Oshe yu ukila oshoka oyo oya li owala aakwashigwana noinaya tseya sha kuukriste. Omolwasho ya li ye na okumbilipaleka aathjthi nongombe opo ku keelelwe ongeyo. Oshoka aathithi oyo owala taa vulu okugeya komukwazimo gwawo.

2. Aanona megumbo oyo aavalwa ihe kaye na uuthiga washa meliko lyegumbo. Mbaka oyo owala aakwanezimo lyayina. Tashi ti aakwawo oyo owala yezimo nkoka kwa za yina. Omolwasho aanona taa koko e taya gwana okukonga sha shawo yene, otaya dhimbwa he. Osha li she yu ukila oshoka oya li inaya tseya Kalunga. Oshu uka tuu natango?

Esekundofikola dimwe mowambo nado oda li da kalelwa po.

Eengeleka dopoushiinda nado okwa li da teelelwa, ashike Ovakatoolika ovo ashike va li va holoka. Aveshe ovo va li ve lineekelelwa oipopiwa ovali va fika nove i popya ngashi ve i longekida.

Omufita wovanyasha J. Shanghala mehokololo laye loilonga mokati kovanyasha, (Kotoba 1930-Septemba 1981), okwa

shiivifila ovanyasha pambelewa kutya otaku ka danwa oshivilo shehambelelo eshi ehanganano lovanyasha tali ka wanifa eedula 20 muJuni 82.

Okwa li vali a hololela oshoongalele kutya efimbo laye leyakulo movanyasha otali ka pwa ko momudo 1982. Shanghala okwa hovelele oshilonga eshi momudo 1978

1. Pambiimbeli nopamulandu gwaELOK otwi itaala kutya oonaku-hokana otaya ningi gumwe (Mat.19:5-6a). Ngele nani kaye shi we yaali oyo gumwe, oyezimo lini. Ndishi oya tameke ngaaka ezimo lyawo? Ngele ongawo otayi ithanwa ihe nedhina lini? Ndishi omulumentu oye omutse gwomukiintu? Oshi li mondjila ngele tayi ithanwa ayehe nedhina limwe (nedhina lyomusamane).

2. Oshi na ekwatho lyashike ngele aanona ye na oohekulu ye li komagumbo gawo yo ngele taa pumbwa sha otaya pula ngaa kuhe? Aasamane ayehe oya humbata komitima dhawo eputudho lyoyana, pamikalo nopalongo. Onkene taya longitha eliko lyawo, pankondo dhawo, opo oyana ya mone elongo. Aakwazimo yawo oye li peni moshinima shika? Omukwanezimo gwashili oye ngoka ta lalakanene uulinawa wonakuyiwa yomukwawo. Omuwambo ta ti "Kayuhwena.....?"

Nandi pitikwe okwoopaleka omadhiladhilo gomupuli sho a tumbula iigonda mekwatathano nelundululo lyomadhina. Shika inashi za maaZulu nenge maaTsonga. Shika oshe ya naaEuropa. Ihe aaEuropa ihaya gondo. Onkene itatu ti unene elunduluko nali ye mpoka pena iigonda. Onawa sho omupuli ta tsikile : "Nongele nani..... ihashi popiwa ano?" Ngame nandi pitikwe ano ndi shi popye mo:

"Otse otwa ningi aakwanezimo naKalunga naathigululi pamwe naKristus". "One aalumentu holeni aakiintu yeni ngaashi Kristus e hole egongalo". Ngele shika tashi ningwa nena otashi ti omukiintu ota kala omuthigululi pamwe nangoye mii-nima ayihe. Ota kala omukwanezimo gwoye. Aanona otaa kala yeni amuhe. Otamu ya sile nawa oshimpwiyu oshoka oyo aakwanezimo lyeni pamwe nane. Uukwazimo wokokulekule nau se. Egumbo nali ninge ezimo lya gwana po naantu ayehe (mwa kwatelwa omukulukadhi) naya ithanwe nahe (surname) gumwe.

Shika otashi holola lela oondjokana dhuukumwe wohole, wonkalathano noweliko wo. Tulipohamba L.Kafidi

OMPANGELAFANEKO YIILONGO 5

Omasiku ngaka mooradio nomiifonkundana otamu popiwa kutya Amerika pamwe niilongo ikwawo ine yokUuninginino : Engeland, Canada, Fulanisa naUdowishilanda yokUuninginino; oya ninga po ompangela faneko ompe mekwatathano nehulitwa po lyomukundu gwaNamibia. Ashike sigo oompaka inaku tseyithwa natango kutya oshike naanaa sha kwatelelwa mo mompangela ndjoka ompe.

Aagandjinkundana otaa popi ashike kútya: aatumwakalelipo aane-
ne yomapangelo giilongo mbyoka itano yokUuninginino, otaa ke
ya manga ya kundathane efaneko ndyoka epe pamwe nomapangelo
giilongo yopuushiinda: Angola, Zambia, Botswana, Zimbambwe,
Tanzania naNigeria. Otaa ka kundathana wo naawiliki yEhanga-
no lyo SWAPO moLuanda. Aatumwakalelipo mbaka otaa ke ya wo
aniwa ku SA nokuNamibia, okukundathana noongundu dhomeni lyo-
shilongo. Shika osha tegelelwa shi ningwe momwedhi nguka tu li

Ihe nonando inaku tseyithwa natango pambelewa oshikalimo sho-
mpangelafaneko ompe, oshinima osha fa ngaa ndonda mpaka na-
mpeyaka. Pashifo, "The Star" sheti 21 neti 24 lyaSeptemba 81,
SA aniwa okwa zimina nale nokuli efaneko ndyoka epe. Ashike
aniwa mokuzimina kwe, SA oku na po natango iinima yimwe mbyo-
ka ahala yi iningwe nenge yi uthwe tango, manga ompangelafa-
neko ompe inaayi tulwa miilonga. Iinima mbyoka aniwa ongaashi
mbika tayi landula:

- Metanga lyokupopila ombili lyIigwanahangano, UNTAG, omu na
okukala aakwiita Aayamerika noye na okukala ya zala ouniformo-
ma dhawo shoshiyamerika. Epangelo lya SA olya indile wo kutya
aakwiita ya UNTAG, naa kale ya za unene kiilongo yokUuningini-
no nokuNigeria.

- Aakwiita ya SWAPO oye na okukala mookamba dhawo muAngola.
SWAPO ke na nande okuziminwa a kale e na ookamba dhakwiita
ye meni lyaNamibia komeho nenge pethimbo iyehogololo lyaaye-
he mewiliko nometonatelo lya UN.

- Angola oku na okugandja eshilipaleko kutya Aakuba itaa ka
ponokela nande muNamibia, noye na okukala kuumbangalantu wo-
musinda gwontumba tagu ka tendwa gwa kambakana oshilongo sha-
Angola.

- Aatiligane muNamibia oshipe, oye na okukala ye na uuthemba
miinima yopapolitika nowokukala neliko lyawo lyopaumwene.

- Ekotampango oli na okukala lya ningwa, ngee pethimbo lyoku-
longekidha ehogololo nenge mbalambala konima yehogololo.

SA oku na okukala a kutha mo aakwiita ye muNamibia manga eho-
gololo inali thika.

- Namibia lyaa longithwe nando ongoshilyatelo okuponokela SA.
Efaneko ndika anuwa ngele olya ziminwa kwaayehe, nena etulo-
miilonga lyalyo oli na okuningwa petameko lyomumvo tagu ya,
1982, nemanguluko lyaNamibia otali ka gandjwa petameko lyo-
mumvo 1983.

Tashi ya, ihashi londelwa!

ONGWE NUUKWATYA WOMUNTU

Jerry Eka-ndjo mOvenduka

Jerry Eka-ndjo, ou a li a talika kutya oye a li e kwetele komesho oiko lokosha oyo ya ningilwe muKatutura eti 12/8 1973, paife oku li mOvenduka, koni-ma eshi a kala kOrob-ben Island eedula-8.

Natango mOvenduka oku li mondjedhi-lilo, ashike oku niwe e-teelelo ku-tya ota ka mangulu'wa diva.

Vakwao vata-tu ovo e li pamwe navo modolongo mOvenduka ovo: M. Kapewasha, J. Indinwa na R. Nakanyala Aveshe ava va ti ova li va kwatwa omolwveta youkulo.

Pamahokololo gaakongo yiyamakuti momalundu, ongwe, "haimbido kai laan, o-hai laana komunhu," nge ya londa pomba-nda yomuti, aniwa kayi talika. Ngele ani-

wa omeho goye nogayo oga tsakanene, nena haimbido kai laana ote ku nukile komutse gwoye ya kenya komayego nokana kwa fa taku zi omulilo. Otayi dhike oo-



nyala dhayo dhoka dha fa egongamwele lyomukongo ependa momutse gwoye e tayi hili oshipa shoye shokomute okuza kekothi e tayi shi titha poshipala sho tashi siikilile omeho goye.

Ongwe haimbido kai laana - oyo oshiyamakuti shimwe shoka shi na ongeyo nonyati ombwineyilela. Ongwe otayi popi notayi vongokonona mo etondathano, ongeyo nomadhiladhilo omawineyi gongeyo ya kala momutima gwomuntu.

Kehe omuntu ngoka ha pangelwa komadhiladhilo gongeyo gaa na edhuminopo nokombepo ombwineyi yuungeyo ngongwe, oye oha falwaafalwa muukolokohi momasheko nomomathingo sigo nokuli omomadhhipago a dhipage omuntu omukwawo.

Ombepo ndjika yongeyo noyonyati, olwindji ohayi yi momuntu ngele a longitha omalovu giikolitha, pethimbo ndjoka ita vulu we okwiigamena ye mwene moku-

ngambeka nomokukankameka omadhiladhilo ge. Aakatalume (aalumentu naakii-ntu) oyendji yomethimbo lyonena ohaa ka nwa iikolitha, oyo yi ikongele onyati

yongwe nomadhiladhilo omawineyi yo ya vule nduno okwiitsa omukumo okulo-

nga shika naashiyaka, nenge okugwanitha po omadhiladhilohalo gawo gondjahi ngokangwe ngoka tage mu pangele.

"The omaviinyu gawo uuzigo woshikoko. Nuuzigo wefu ihuna yowala." (Deut.32:33). Ondjahi oyo ontoye momutima gwomunandjahi, ihe Kalunga oye omunandja-

hi gwetu omolwomayonagulo koshipala she. Omuwa Jesus oye okwa ti kutse tu hole omukwetu ngaashi twi ihole tse yene, osho wo tse tu hole aatondi yetu.

Omuwa okwe tu uvanekele edhiminopo lyomayonagulo getu tse tu kuthile po wo mboka ya yono kutse.

M. M. Ameya

OMUKWETU

Oyo osiifo shOngeleka Onkwaavangeri

paLuther yomOwamboevangeli

Oha nyanyangidhwa mOshinyanyangidiro

shOngeleka mOniipa

Omukwetu gwosithu namubasi

di Kleopas Duniam

Ondando vOmwetu komunvo muAfrika

R 2-60, kombanda yomafuta R 5-00

Omamoseiteo pamwe ngodando naga

tumwe kOmwetu Oniipa, P/B 2013

Ondangwa 9000

EV. LUTH OWAMBOKAVANGO CHURCH

PRESS ONIIPA P/BAG 2013 ONDANGWA

9000